

ISBN 978-1-4315-0260-8



9 781431 502608



LIFE SKILLS IN SISWATI
GRADE 2 – BOOK 1
TERMS 1 & 2

ISBN 978-1-4315-0260-8

8th Edition

THIS BOOK MAY NOT BE SOLD.

Tincwadzi letitfolakala kulelimfomfo:

- Lulwimi Lwekucala Lolwengetive Emabanga 1 – 3
(Ngato tonkhe tilwimi letisemtsetfweni)
- Lulwimi Lwekucala Lolwengetive Emabanga 4 – 6
(NgesiNgisi)
- Lulwimi Lwasekhaya Emabanga 1 – 6
(Ngato tonkhe tilwimi letisemtsetfweni)
- Tibalo Emabanga 1 – 3
(Ngato tonkhe tilwimi letisemtsetfweni)
- Tibalo Emabanga 4 – 9
(NgesiNgisi nesiBhunu)
- Emakhono eMphilo Emabanga 1 – 3
(Ngato tonkhe tilwimi letisemtsetfweni)

Libanga

2

Kubuyeketiwe
futsi kwahelenjiswa
ngekwema-CAPS



Emakhono eMphilo nge SISWATI

Incwadzi 1
Emathemu 1 & 2




Ligama:

Liklasi:



basic education

Department:
Basic Education
REPUBLIC OF SOUTH AFRICA



Lokucuketfwe

Ithemu 1 likhasi

- 1 Sidzinga kudla lokunemphilo kuphila 2
- 2 Emanti asinika imphilo 4
- 3 Songa emanti 6
- 4 Umoya lohlobile usinika emandla 8
- 5 Umngani lomkhulu lingunaphakadze 10
- 6 Bantfu lesiphila nabo 12
- 7 Akuphele kuchwachwata 14
- 8 Sonkhe sinekukhetseka nekwehluka 16
- 9 Sitiva kanje 18
- 10 Bantfu labakhubatekile 20
- 11 Bonkhe bantfwana bakhetskile 22
- 12 Lichawe lami 24
- 13 Kuhlanta emanti 26
- 14 Indlela-mphilo lephilile 28
- 15 Tidlo letisheshe tonakale naletephutako 30
- 16 Emalanga eNkholelo nalamanye laketsekile 32



Ithemu 2 likhasi

- 17 Imikhakha yemnyaka 34
- 18 Imikhakha lemene 36
- 19 Ngemikhakha yemnyaka 38
- 20 Kwembatsela simo selitulu 40
- 21 Umtselela wemikhakha yemnyaka 42
- 22 Kutjala sihlahla selibhontjisi 44
- 23 Tilwane telipulazi 46
- 24 Epulazini 48
- 25 Tilwane tasendle 50
- 26 Tibhaca kanjani tilwane 52
- 27 Tilwane temanti 54
- 28 Tidalwa tasemajukujukwini 55
- 29 Buciko betilwane 56
- 30 Tilwane letefwala emakhaya ato nomaphi 58
- 31 Tilwane letitakhela tindlu 60
- 32 Sichazamagama sami 62



Nkhskt. Angie
Motshekga, iNdvuna
yeMfundvo yeSisekelo



UMnu. Enver Surty,
liphini leNdvuna yeMfundvo
yeSisekelo

Letincwadzi tekusebentela tikhicitelwe bantfwana baseNingizimu Afrika ngekuholwa yiNdvuna yeTemfundvo yeSisekelo. Nkhskt Angie Motshekga akanye neLiphini lakhe uMnu Enver Surty.

LeTincwadzi Tekusebentela takaRainbow tiyincenyemita yaleLitiko leTemfundvo yeSisekelo yekutfutfukisa bafundzi baseNingizimu Afrika emabangeni ekucala lasitfupha ekufundza. Njengalomunye wemigomo lehamba embili eLuhlelwani IweKusebenta IwaHulumende, lomsebenti ukhokhelwe ngesihle Silulu seTimali saVelonkhe. Ngenca yalokusekelwa ngetimali, leLitiko leTemfundvo liphumelele kwakha letincwadzi ngato tonkhe letilwimi letisemtsetfweni kulelive.

Siyetsema kutsi bothishela batatitfola tilusito kakhulu letincwadzi tekusebentela basafundzisa malanga onkhe kute bafundzi bakhone kucedza luhlelo Iwabo Iwekufundza. Setame, ngekucophelela lokukhulu, kusita thishela kuleyo naleyo ncenyem yemsebenti, ngekusebentisa timphawu letitifombe kukhombisa umfundzi loko lokumele akwente.

Siyetsema bantfwana nabo batakujabulela kusebentisa letincwadzi basachubeka nekukhula nekufundza; nekutsi bothishela batawutfokota kanye nabo.

Sifisela bothishela nebafundzi imphumelelo basachubeka nekusebentisa letincwadzi tekusebentela.



Published by the Department of Basic Education
222 Struben Street
Pretoria
South Africa
© Department of Basic Education
Eighth edition 2018

ISBN 978-1-4315-0260-8
This book may not be sold.

The Department of Basic Education has made every effort to trace copyright holders but if any have been inadvertently overlooked the Department will be pleased to make the necessary arrangements at the first opportunity.

Libanga

2

Emakhono eMphilo
SISWATI
Incwadzi I



Lencwadzi ya:



Sidzinga kudla lokunemphilo kute siphile

Asifundze

Ithemu I – Liviki I – Lishadi lekusebentela



Imitimba yetfu idzinga kudla lokunemphilo khona sitowukhula. Sifute kudla kudla lokuphuma esekweni ngalinye lekudla malanga onkhe. Sidzinga kudla kudla lokunemphilo khona sitoba nemandla lakenele kwenta konkhe lesifanele sikhente. Uma singadli kudla lokunemphilo, singahle sigule kakhulu.

Emaseko lasihlanu ekudla

Tinhlavu
nemikhicito
yato



Labanye bantfu
batidli-tibhidvo.
Loku kusho kutsi abayidli
inyama noma ngabe
yaluphi iuhlobo. Ikakhulu
kudla kwabo kubuya
emasekweni lama-4
ekudla.

Inyama,
inhanti, inkhukhu,
emantongomane
nemabhontjisi

Tibhidvo netitselo



Imikhicito
yelubisi



Emanoni nemafutsa

Lusuku:



Asente loku

Coca nemngani wakho ngekutsi ngukuphi
kuloku kudla lokunemphilo. Kubiyele.



Asibhale

Yenta sengatsi
uya etitolo namake
wakho kuyowutsenga
kudla kwesidlo
sakusihlwa. Yakha
luhla lwekutsenga
kudla lokunemphilo
kwekuldiwa
ngumndeni wakho.



Emanti asinika imphilo

Ithemu I – Liviki I – Lishadi lekusebentela



Kungani sidzinga emanti?
Bantfu, tilimo netilwane
kudzinga emanti kuhlala
kuphilile. Emanti atfwala kudla
lesikudlako kuye etindzaweni
letehlukene temitimba yetfu.
Abuye asite imitimba yetfu
kukhukhula kungcola.





Malanga onkhe sisebentisa emanti emakhaya etfu. Cocela umngani wakho
ngato tonkhe tintfo longaticabanga lesisebentisa emanti kuto. Ubese
udvweba titfombe leti-4 kukhombisa kutsi siwasebentisa kanjani emanti.
Bhala umbhalo-nchazelo ngenhla kwesitfombe ngasinye uchaze kutsi
singani sitfombe.






Asibhale

Siwatfolaphi emanti? Dvweba umugca
kuchumanisa ligama ngalinye nesitfombe lesifanele.



lidamu
siphehlamanti
umfula
lichibi
siyalu sekukha



Embi kwekutsi wente noma ngumuphi umshukumo wemtimba ngaphandle, cale utelule njengelikati. Loku kutakwenta kube lula kutsi umtimba wakho unyakate. Phindza utenwebe emva kwemshukumo kuphotisa umtimba uthulele. Loku kutakusita kutsi ungahlaselwa buhlungu bemisipha.

- Zuba njengesicoco. Yenta umsindvo welicoco.
- Jikelanani ibhola noma sikhwanyana.
Yigendze/sigendze.
- Nyalo-ke jika ibhola noma sikhwanyana etulu bese uyakugendza.
- Tfwala uyekelele sikhwanyana enhloko yakho bese nicudzelana ngekushakutela nemngani wakho. Bona kutsi ungasigcina sikhatsi lesinganani lesikhwama singakawi.



3

Songa emanti

Itthemu 1 – Liviki 2 – Lishadi lekusebentela

Asikhulume

Emanti aligugu kakhulu, ngako-ke kufute
singawasaphati nje. Coca nemngani wakho
ngetindlela letehlukene lesingonga ngato emanti.



Asibhale

Bhala phansi imibono lemibili yekonga
emanti kulétkhala letilandzelako.



1.


2.



Asente loku

Sebentisa emakhilayoni
akho kwakha iphosita
yemibalabala ngekonga
emanti. Iphosita yakho
kufute ikhutsate labanye
konga emanti.

Nase uyentile iphosita
yakho, yikhombise
bangani bakho.



6

Lusuku:



Phuma

Ase siddale lomdlalo lotsi "Sikhatsini, Mnu. Mphisi?"

Munye wenu kufute abe yimphisi.

Niketanani ematfuba kubuta kutsi "Sikhatsini, Mnu. Mphisi?"

Njalo nawubuta, imphisi kufute isho kutsi ngubani sikhatsi.

Kodwa, uma imphisi itsi "sikhatsi sekudla!", itawusuka ikucoshe. Kufute ubaleke isengakakubambi.

Nyalo-ke tfolani lokusamgibe kwekulala.

Ninemngani wakho kufute niniketane ematfuba kuhamba nitfumbeletela kuletikhala talelihibe

Tfumbeletela kulelihibe, ngetinyawo takho ekucaleni.

Ubese-ke uhamba ngetandla takho.

Ubese ubamba lelihibe lime mpo umngani wakho asakhasa atfumbeletela kulo. Niketanani ematfuba kwenta loku.

Kwekugcina,
ngemacemu
aba-4 ticecesheni
bese netfula umdanso
waseNingizimu
Afrika.



Umoya lohlobile usinika emandla



Asifundze

Umoya lesiwuhogelako une-oksejini. Loku kusita imitimba yetfu kutsi ise bentise kudla lesikudlako. Sibese sitfola emandla ekuphila. Uma sihogela umoya longcolile, imitimba yetfu ayikhoni kusebenta kahle.



Asibhale

Hlala nebangani bakho. Ninonkhe, gcwalisani letikhala letingentasi:

Ngidzinga umoya lohlobile ngoba _____

Uma umoya ungcilile _____

Umoya ungciliseka uma _____

Lesingakwenta kugcina umoya uhlobile:


1.

2.

Lusuku:



Bantfu badzinga lilanga kute bajabule futsi babe nemphilo. Bantfu badzinga lilanga kuhlala baphilile. Lisita imitimba yetfu kutsi yakhe Vithamini D. Siyawadzinga lamavithamini kwakha ematsambo lacinile. Kushisa kakhulu kungaba kubi nako. Siyasha sikhumba sibe buhlungu. Ubosibentisa sivikela-langa kuvikela sikhumba sakho elangeni.



Gewalisa letikhala ngentasi.

Ngingaphepha elangeni lelishisa kakhulu uma ngi:

1. _____
2. _____
3. _____



Hlabela lengoma bese uyabetsela
ulandzele sigi.



**Wen'ukukhanya
Kwami kwelilanga
Uyangijabulisa
Malisibekele.
Angeke sew'kholwe,
Ngikutsandza kangaka.
Ungangemuki
Kukhanya kwami.**

Ubosibentisa
sivikela-langa
kuvikela sikhumba
sakho elangeni.



Umngani lomkhulu lingunaphakadze



Asikhulumo

Sonkhe sitsandza kuba
nebangani labahle. Wati
kanjani uma umuntfu
angumngani lomuhle?



Asibhale

Kulesikhala lesi ngentasi, yakha luhla lwetintfo
letenta umuntfu abe ngumngani lomuhle.



1.

2.

3.

4.



Asibhale

Cabanga ngalemibuto bese ubhala
phansi timphendvulo takho.

Bangakhi bangani lonabo?

Litsini ligama lamunye webangani bakho labakhulu?

Sesidze kangakanani sikhatsi nibangani?

Yini lekhetskile ngalomngani wakho?

Lusuku:



Asikhulume

Hlala nemngani wakho bese nicoca ngalemisho. Faka (✓) ebhokisini uma kuliniso, ufake siphambano (✗) uma kungasilo liciniso.

Luhla-sicinisekiso Iwebungani

Umngani wami uyangikhatsalela.

Umngani wami uyangisita.

Umngani wami wabelana nami.

Umngani wami akalwi nami.

Faka ✓ noma ✗



Asente loku

Cabanga ngentfo
lengenta umngani wakho ative
akhetsekile. Ubese udvweba
sitfombe sayo kulesibaya-
sitfombe. Khumbula kuhlobisa
kahle umphetfo-sitfombe.
Nase ukwentile loku,
coca ngemibala lepholile
nalewotawotako loyisebentise
esitfombeni sakho.



Asibhale

Bhala imisho lemi-2 ngesitfombe sakho.



6




Bantfu lesiphila nabo

Ithemu 1 – Liviki 3 – Lishadi lekusebentela



Asikhulume

Bukani letitfombe. Cabangani ngalokwentiwa bangani labahle, nibese nikhuluma ngako ecenjini lakho. Nyalo-ke cabanga ngalokwentiwa bangani lababi. Faka (✓) esitfombeni ngasinye lesikhombisa bungani lobuhle, ufake siphambano (✗) kuleto letikhombisa bungani lobubi.







Asifundze



Fundza umusho ngamunye ubese ufaka umbala
kuBuso Yebo 😊 noma kuBuso Cha 😞.





Ngingumngani lomuhle.





Ngiyabakhatsalela
bangani bami.





Nginebubele kulenginabo ekilasini.



Lenginabo ekilasini banebubele kimi.



Nginenhloniphoo
kubantfu
labasedvute nami.



Asinyakate

Asidla "Mani esitfuntini sami".

Wena nebangani bakho kufute netame kuniyatsela titfunti
tenu lomunye nalomunye. Niketanani ematfuba kubona
kutsi tingaki titfunti wena longatinyatsela. Wena ungetama
kuloku uvimbela umngani wakho kuma esitfuntini sakho.




Akuphele kuchwachwata




Asibhale

Buka sitfombe ngasinye.

Yini lobewungayenta kube bewungumntfwana lohlushwa tidlova tikuchwachwata? Madvute nesitfombe ngasinye, bhala umusho munye ngekutsi kufute sibaphatse njani labanye bantfu.









Asente loku


Yakha silinganiso semdlalo nemngani wakho ngemntfwana lochwachwata lomunye umntfwana. Ubese uyasho kutsi singentani kuvikela kuchwachwata.



Phuma

Tihleleni nibe ngemacembu la-5.

Yakhani umugca nengcise ibhola kwehla ngemugca. Bonani kutsi nguliphi licembu lelikhonako kwendlulisela ibhola kufika ekugcineni kwemugca kucala. Uma senikwentile loko, yetamani kwendlulisa ibhola iye etindzaweni letehlukene:



- Yendlulisa ibhola emkhatsini wemilente yakho iye kumfundzi losemvakwakho.
- Yendlulisa ibhola ngetulu kwenhloko yakho iye kumfundzi losemvakwakho.
- Yendlulisa ibhola ngesancele sakho iye kumfundzi losemvakwakho.
- Yendlulisa ibhola ngesekudla sakho iye kumfundzi losemvakwakho.
- Nyalo-ke jikelanani ibhola nibone kutsi ningayigenca kangakhi.



8

Sonkhe sinekukhetseka nekwehluka

Buka letifombe ubese uyasho kutsi labantfwana
ngamunye bafana ngani. Shano nekutsi
behlukene ngani.



Ithemu 1 – Liviki 4 – Lishadi lekusebentela



Asikhulume





Asifundze

Yentani lomsebenti lolandzelako ecenjini. Buka bonkhe labanye bantfwana
eklasini lakho. Ubese ufundza umusho ngamunye kulelandzelako. Uma
umusho uliciniso, faka (✓) ebhokisini ngesekudla, kantsi uma umusho
ungesilo liciniso, faka siphambano (✗).

Faka ✓ noma ✗

Ngabe bafana nemantfombatana babukeka ngekufana?

Ngabe bonkhe banembala wetinwele lofanako?

Ngabe bonkhe banembala wemehlo lofanako?

Ngabe bonkhe banetandla letilinganako yini?

Ngabe bonkhe bafundzi badze lokulinganako yini?



Asikhulume

Uyabona nje kutsi sonkhe sehlukene? Futsi uyabona yini kutsi siphindze
sifane sonkhe? Cocani ngetindlela lesifanana ngato.



Asidwewe

Dwewba sitfombe sakho. Ubese usebentisa
sipenda-mlomo kwakha imigca-munwe
yakho yelikhetselo madvute
nesitfombe-sibaya.



Bewati-nje kutsi kute namunye umuntfu
emhlabeni lonemigca-munwe yakho?
Wena ukhetsekile futsi wehlukile!



Sitiva kanje

Asikhulume

Cocisanani nodvwa nichazelane kutsi nitiva kanjani uma lokuhle kwenteka kini.
Nyalo-ke cocisanani ngekutsi nitiva njani uma lokubi kunehlela.
Loku lesikuvako sitsi yimiva. Gcwalisa kutsi bativa njani emabhokisini.



Asibhale

Bhala timphendvulo talemisho lengentasi.

Yini lekwenta wetsabe?

Yini lekwenta udzangale?

Yini lekwenta wesabe?



Yini lekwenta ujabule?

Lusuku:



Asente loku

Dvweba ufake umbala kuloluchunge lwebungani. Yetama kwakha umdoli ngamunye abukeke ehlukile, kakhombisa kutsi sonkhe sehlukile kantsi sikhetsikile. Nase ukwentile loko chubeka usika kahle titfombe teluchunge lwebungani ekhasini lelisemkhatsini nalencwadzi. Yakha mdoli ngamunye ehluke kulabanye bese ummisa edesikini lakho njengesikhumbuto kutsi sonkhe sehlukahlukene.




Phuma

Yenta umtimba wakho ube mkhulu kakhulu.
Ubese wetama kwenta umtimba wakho ube mncane kakhulu.

Nyalo-ke yetama kuwenta ube mudze kakhulu.

Kwekugcina yetama kuwenta ube mfisha kakhulu.



Teacher:
Sign:
Date:

10

Bantfu labakhubatekile

Ithemu 1 – Liviki 5 – Lishadi lekusebentela



Asikhulume

Buka letifombe.

- Tinhlobo tini letehlukene tekukhubateka lotibonako?
- Ngabe umntfwana ngamunye kulaba usebentisa ini kutisita?
- Wena ucabanga kutsi tinkinga tini labantfwana lababa nato malanga onkhe etimphilweni tabo?
- Cocani ngekutsi singabasita kanjani.



Asibhale

Buka letifombe ngentasi.
Cedzela lemisho.

Rosemary akakhoni kuhamba.

Usebentisa _____

kuhamba-hamba.



Lusuku:



situlo-ncola


Thabo akaboni manje usebentisa

kutfola lapho aya khona.

inja lesitako



lithuluzi lekuva



Peter akeva.

Usebentisa _____
kumsita kuva.


lulwimi-timphawu




Jabu akakhoni kukhuluma.

Usebentisa _____
kuchumana nebantfu.

emabhoko



Nomsa usebentisa
_____ kumsita kuhamba.



Asente loku

Sebentisa lubumba noma inhlama
yekudlala kubumba ivasi noma inkomishi.




Bonkhe bantfwana bakhetsekile

Ithemu I – Liviki 6 – Lishadi leku sebentela



Asikhulume

Behluke ngani kuwe laba bantfwana? Bafana ngani nawe?



Asifundze

Bantfu mhlaba wonkhe bagubha tinsuku letikhetskile temaholide.

Sonkhe sitsandza kudlala sihlabele.

Sonkhe sidzinga kudla.

Sonkhe kufute siye esikolweni.

Uma sigula, sonkhe sidzinga kuya kudokotela.

Sonkhe kufute sihlobe sibe nebunaka.

Akukafaneli sitfole ematoho sisebente.

Sonkhe sisebantfwana.





Asibhale

Buta bangani laba-3 lemibuto. Gcwalisa timphendvulo tabo kuletikhala ngentasi.

Gcwalisa ligama lakho nelemngani wakho.			
Iyini inkholelo yakho?			
Ngimiphi imigubho lebalulekile loba nayo?			
Nidla ini ngalolosuku?			
Luhlolo luni lwekwembatsa lokukhetsekile lolugcokako?			
Nilugubha nabobani lolusuku?			



Asente loku

Ase ubuke sitfombe ngasinye.
Libalave lemhlaba wetfu. Uyabona nawe kutsi umhlaba wetfu unemhlabatsi nelwandle. Faka umbala lolingangane elwandle. Faka umbala lobubendze emhlabeni. Dvweba tinhanti letimbalwa elwandle.



Lichawe lami

Asikhulume

Yini lengentiwa sikolo kubasita basesesikolweni? Ngabe bantfu labakhuatekile bangaba bomphetsa?



Asifundze

Lamanye emachawe anekukhubateka. Abalandzelwa betfu lesibakhontile. ENingizimu Afrika, banyenti bomphetsa betemdlalo labakhuatekile. Kukhona yini lobatiko labakhuatekile lababomphetsa emidlalweni?

Natalie du Toit walahlekelwa yincenyе yemlente wakhe wangesancele engotini yesidududu. Uhamba ngemlente wekufakwa kodvwa ubhukusha asebentisa munye vo, umlente.




Asikhulume

Cocani ngebantfu labakhuatekile kodvwa labenta tintfo letisimanga. Cabangani ngaloku:

- Bantfu labangaboni badlala tinsimbi tekushaya ingoma. Ngabe kukhona lomatiko nje?
- Bantfu labangeva babbala tingoma. Unganiketa sibonelo nje?

Cocani ngekutsi ngabe bakhona yini bantfwana labakhuatekile esikolweni sakho.





Asibhale

Kulesikhala ngentasi, niketa imininingwane
ngelichawe lakho noma umlandzelwa.

Lichawe noma umlandzelwa wami ngu:

Dwewba sitfombe selichawe noma umlandzelwa wakho. Bhala emagama eceleni kwesitfombe sakho lachazalomuntfu. Tibonelo unemusa, uyasitana, unesibindzi, uyatsandzana.

Ungaba lichawe njani? Cocisana nemngani wakho ngemibono lonayo.
Nyalo-ke bhala indzaba lapho khona uba lichawe. Gcwalisa lapha ngenatsi:

Ngalelinye lilanga nga

Ngabese ngincuma ku

Ngabese

Kanjalo ngagcina sengilichawe.



Kuhlanta emanti



Asifundze

Ase ubuke ingilazi yemanti.

Kukhona nje lokubonako ekhatsi kuyo?

Cha, awukhoni. Kodvwa bewati-nje kutsi ngaletinye tikhatsi kuba nemagciwane emantini? Lamagciwane mancane kakhulu akabonakali nje ngeliso lenyama. Uma unganatsa emanti ungakawasusi kucala lamagciwane, ungtfola kugula lokubi. Sidzinga kwenta siccise kiso kutsi emanti lesiwanatsako ahlobile futsi acwengekile.



Asikhulume

Cocani ngekutsi kungentekani uma sinatsa emanti langcolile. Nyalo-ke buka letifombe ngentasi. Coca nemngani wakho ngetindlela letehlukene lesingahlobisa ngato emanti.



Faka emaphilisi eklorini emantini.



Bilisa emanti
imizuzu lesi-5.



Faka emakhemikhali.



Cenga emanti.



Asikhulume

Nguaphi emanti wena locabanga kutsi aphophile anganatfwa?
Faka umbala kulelitfonsi lemanti libe lingangane nawucabanga kutsi
kuphephile kuwanatsa.

Emanti emfula



Emanti laphehlwako

Emanti empompi



Emanti latsengwe ngelibhodlela

Emanti elwandle



Emanti labiliswe ngeligidlela



Asente loku

Sebentani ngemacembu nakhe kwekcenga emanti kuwenta ahlobiseke.
Lalelisisani lapho thisela wenu achaza loko lokufute nikwente.



Utawudzinga loku lokulandzelako:

Libhodlela lepusasitiki lemalitha

Ia-2

Sihlabatsi lesicolisakele

Sihlabatsi lesihhayekile

Ematje lamancane/lukhetse

Sikelo

Kotini



Asibhale


Faka tinombolo kuletinyatselo tekwenta sihlengo semanti ngekulandzelana kahle.

	Tsela sihlabatsi lesicolisakele etu kwesigadla sakotini.
	Gucula libhodlela libheke phansi.
	Tsela sihlabatsi semahhedle.
	Ngekucopelela sika kahle lingentasi lelibhodlela lepusasitiki.
	Tsela emanti lamdzaka ebhodleleni.
	Tfululela ematje lamancane noma lukhetse ebhodleleni.



Fundza ngalowo nalowo mkhuba lomuhle nalomubi. Uma ucabanga kutsi muhle lomkhuba, faka (✓), kantsi nawucabanga kutsi ngumkhuba lomubi, faka siphambano (✗).

Imikhuba	Muhle	Mubi
Thishela usita bafundzi kufundza.	✓	✗
Ngidla kudla lokunemphilo.		
Ngilahla tibi letiphuma emotweni noma etekisini ngelifasitelo.		
Ngigeza tinwele tami njalo nje.		
Ngidla emaswidi lamanyenti.		
Ngicina tingalo netindlebe tami tihlobile.		
Ngicubha ematinyo ami kanye ngenyanga.		
Ngicobonga tibi ngitilahle emgconyen i wetibi.		
Ngigeza tandla tami emva kwekuya emthoyi.		
Uma ngikhwehlela noma ngitsimula ngibamba ngesandla emlonyeni wami.		
Ngishukumisa umtimba njalo nje.		
Ngigeza tandla embi kwekudla.		
Ngiyatigicikela nje embi kweTV emahora lamadze.		
Ngihlala nalabadzala lababhemako.		



Yakha iphosita ngemkhuba lomuhle noma lomubi.

Asente loku



Asibhale

Cwaninga iphosita yakho. Fundza umusho ngamunye, ubese ufaka buso lobumamatsekako uma lomusho uliciniso, ufake lobudzangele uma lomusho ungasilo liciniso.



Yebo	Cha

Iphosita yami imbalabala futsi ihlobile.


Ngikujabulele kwakha iphosita yami.

Ngikhandze kumatima kwakha iphosita yami.



Phuma

- Ungazuba kufika kuphi? Sebentisa tincu letintsatfu tendophi. Zuba utece. Chubeka uchelanise thelukane umkhatsi ubone kutsi ungazuba kufinyelela kuphi.
- Nyalo-ke, cela babili bangani bakho bajikitise indophi iye le nale wena uzube incatfu kuyo .
- Niketanani ematfuba kuzuba incatfu.



15

Ithemu I – Liviki 8 – Lishadi lekusebentela

Tidlo letisheshe tonakale naletiphutako



Asikhulume

Cocani ngekudla lokuswela
kugcinwa kubandza kukuvimbela
ekonakaleni. Ncumani kutsi
ngukuphi kudla lokungadzingi
kugcinwa kubandza, kodvwa
lokungabekwa ekhabetheni. Sika
sitfombe ngasinye ekhasini
lalokujutjwako usinamatsisele
efrijini noma ekhabetheni.





Asikhulume

Cocani ngekutsi ngutiphi tindlela lesingavikela ngato kudla etilokataneni letinjengetimphungane netintfutfwane.



Emalanga eNkholelo nalamanye lakhetsekile



Asifundze

Bantfu mhlabi wonkhe bagubha tinsuku letikhetskile temaholide.
Maholidi mani lotawagubha?


NgaKhisimisi sikhatsi lesitfola ngaso tipho. Sibuye siphe bangani betfu kanye nebemndeni wetfu tipho. Sinesihlahla saKhisimisi endlini yakitsi. Sibeka tipho ngaphansi kwesihlahla. Sihlobise sihlalahla sate sabeka nenkhanyeti etulu. NgaKhisimisi sidla kudla lokunyenti.



Asisakhoni kumela kufika kweDiwali. Ngulesikhatsi lapho sitfola khona emaswidi lamanyenti kanye netipho letinyenti. Sigocela emaswidi lamnandzi kanye nemakhekhe emabhokisini bese siwapha bantfu labasivakashelako. Sikhanyisa emalambu lamancane siwabeke atungelete indlu.



Asisakhoni kumela iHanukkah.
Sitawuba nekudla lokunyenti sishaye sentfwala. Sitsandza kudla emapheni khekhe nemadonathi. Natsi siyatsandza kutfola tipho. Bomzala bayeta kusivakashela. Sonkhe siyasita kupheka kudla bese sikhanyisa emakhandlela endlini yakitsi.



Madvute nje kutawuba yi-Eid.
Ngiyetsema sitawutfola tipho letinhle.
Sitakupha bangani betfu tipho tabo.
Kutawuba nendathane yemakhekhe nemaswidi ekudliwa. Siyati kutsi yi-Eid kususela kulokubumbeka kwenyeti.
Iba ngelusuku lolwehlukile umnyaka ngemnyaka.



Hlabela ingoma loyateko yanobe nguliphi kulamalanga lakhetsekile.



Imikhakha yemnyaka

Ithemu 2 – Liviki I – Lishadi lekusebentela



Asikhulume

Buka letitfombe temikhakha lemme. Cocela umngani wakho ngalokubonako esitfombeni ngasinye. Shano kutsi imikhakha lemme yehlukana njani.



Ngumuphi umkhakha lowutsandza kakhulukati? _____

Kungani utsandza lomkhakha? _____

Lungawuphi umkhakha lusuku lwakho lwekutalwa? _____




Asivume ingoma

Kusile, Mnu Langa!

Lusuku lwakho lusandza kucala.

Ngitsandza buso bakho kukhatimula.

Kusile, Mnu Langa.



Mvula, mvula suka la!

Botwana bafuna kudlala.

Buya futsi langa limbe.

Ungaveli nje ngisho langa linye vo.



18


Imikhakha lemine

Ithemu 2 – Liviki I – Lishadi lekusebentela



Asente loku

Sika titfombe temikhakha yemnyaka ekhasini lelisikwako ngemuva encwadzini.
Namatselisa sitfombe ngasinye eceleni kweligama lemkhakha lofanele.



iNhlabo

Kholwane

iNgci

busika



iNyoni

iMphala

Lweti

intfwashahlobo

Lusuku:



iNgongoni

Bhimbidvwane

iNdlovana

ihlobo

iNdlovulenkhulu

Mabasa

iNkhwekhweti

likwindla




Cecesha emakhono akho ebhola.

Gcumisa ibhola elubondzeni.

Fola ume ndzawonye usagcumisa ibhola.

Nyalo-ke, gjijima ugcumise lebhola ugege imisebe.




19 Ngemikhakha yemnyaka

Ithemu 2 – Liviki 2 – Lishadi lekusebentela



Asifundze



Lihlolo

Litulu libalele futsi liyashisa.

Imini yindze kantsi busuku bona bufisha.


Singatiphotisa ngekubhukusha nobe sihlale phansi emtfuntini.

Likwindla

Lipholile.

Emacembe acala kugucuka abe sagolide abuye ahhohloke etihlahleni.

Tinyoni tindizela etindzaweni letifutfumele.




Busika

Liyabandza.

Kuletinye tindzawo kukhitsika mbayiyane nobe sitfwatfwa.

Imini yimfisha kantsi busuku budze.

Letinye tilwane tilala busika bonkhe gonco (tiyahoca).




Intfwasahlolo

Lifutfumele.

Tihlahla ticala kuhluma netimbali tiyabhalasha.

Tinyoni ticala kwakha tideleke titalele emacandza.






Asikhulume

Tilimo tekudla lokwehlukene timila ngetikhatsi letehlukene temnyaka.


Bukisisa letilimo tekudla lokumila ehlolo nasebusika.



lihlobo

Kudla kwemkhakha
ngamunye

busika



Teacher:
Sign:
Date:

Kwembatsela simo selitulu



Asidvwebe

Dvweba umfana nentfombatana. Umfana kufute agcoke tembatfo letifutfumele tebusika kantsi intfombatana kufute igcoke tembatfo letipholile tasehlobo.




Umfana	Intfombatana



Asinyakate


- Beka tihibe phasi esiyilweni nobe udvwebe tindilinga esihlabatsini.
- Uma thisela wakho atsi zuba, zubela endilingeni ngetinyawo timbili.
- Uma thisela wakho atsi zuba, zubela ngephandle kwendilinga ngalunyawo lunye.
- Dlala mkoko.
- Sebentisa siguntu seshoki kudvweba letindilinga netikwele phasi esiyilweni.





Asikhulume

Cocela umngani wakho kutsi ngutiphi timphahla lesitigcoka kulowo nalowo mkhakha. Ngutiphi timphahla wena lotsandza kutigcoka?



Asibhale

Dweba umugca kusuka enchazelweni yekwekwembatsa lesikugcokako kuya eluhlotjeni lwasimo selitulu.

Kwembatsela simo selitulu

Uma libalele kufanele
sembatsele kutivikela elangeni.



Uma lifutfumele kumele
sembatse kwekwembatsa
lokupholile.



Uma kubandza ngaphandle
sidzinga kugcoka
kwekwembatsa kwensotfo
lokufutfumele.



Ngemalanga lanemvula
sidzinga lijazi lemvla
nesambulelo.



Umtselela wemikhakha yemnyaka



Asifundze



Lihlobo

Ehlobo balimi bakha titselo tabo. Bantfwana betilwane banemdlandla kakhulu.

Etindzaweni letinyenti lina kakhulu kube nekudvuma lokubi nemibane.

Tjani, emavungu netimbali kukhula kakhulu, tihlahla nato tikhula tibe tindze.

Intfwasahlobo

Entfwasahlobo tihlahla ticala kuhluma.

Sibona tinyoni netinyosi letinyentana kanye netimbali nemacembe lamasha.

Tinyoni takha tilulu titalele nemacandza.

Bafuyi bagundza timvu.





Likwindla

Letinye tilwane tilondza kudla kwato tisalungisela kulala busika bonkhe gonco.

Emacembe etihlahla acala kugucuka abe mtfubi, bubendze, bovu noma abe liphuti.


Tjani bucala kuba bubendze.



Busika

Letinye tilwane tilala busika bonkhe gonco. Sitsi tiyahoca.

Tiyafutfumala ngoba tikhumba tato tiba neboya lobunyenti.



Asibhale

Ngabe tentani letinye tilwane busika bonkhe gonco? _____

Ngabe titivikela kanjani letinye tilwane emakhateni? _____

Tibuya nini tonyoni emaveni lafutfumele kucala titalele? _____



Kutjala sihlalahla selibhontjisi



Asente loku

Udzinga

- 5 emabhontjisi • lisoso
- limfomfo lakotini • emanti

**Lotakwenta**

Beka emabhontjisi kulelimfomfo lakotini esosweni.



Kugcine kumanti. Beka lisoso entsendzeni yelifasitelo elangeni.

Gadza libhontjisi emavikini lamabili kusuka manje. Bona kutsi likhula njani.



Buka lesitfombe salesilimo selibhontjisi.

Uma silimo sakho sibukeka njengalesi gcwalisa lusuku.

Lusuku	Lusuku	Lusuku	Lusuku

Lusuku:



Asente loku

Yentani umdlalo ngesilwane.

Ungabonisa libhele noma livondvo licokelela kudla kwasebusika.



Phuma

Ndiza njengenkonjane iya
endzaweni lefutfumele.

Nyibilika phasi esiyilweni
njengenyoka ifuna indzawo lenhle
yekuhocela kuyo.



23

Tilwane telipulazi

Ithemu 2 – Liviki 4 – Lishadi lekusebentela

Asivume ingoma

Buka lesitfombe ucoce ngetilwane letehlukene telipulazi lotibonako.
Ngusiphi silwane lesiyintsandvokati kuwe?
Yini lesiyitfola esilwaneneni ngasinye kuleti?





Asibhale


Gwalisa timphendvulo letifanele kulelithebula. Kwekucala sesikwentele.



Lendvuna	Siwewe
Lensikati	Imbutikati
Lencane	Lizinyane
Kukhala	Mm-e-e-
Indzawo yekuhlala	Sibaya



Lendvuna	
Lensikati	
Lencane	
Kukhala	
Indzawo yekuhlala	



Lendvula	
Lensikati	
Lencane	
Kukhala	
Indzawo yekuhlala	



Lendvuna	
Lensikati	
Lencane	
Kukhala	
Indzawo yekuhlala	



Epulazini



Asivume ingoma

Mkhulu Madevu ungumfuyi

Hhiya hhiya hho

Mkhulu Madevu ufuye tinkhomo


Tibhonsa mo-o mo-o la; titsi mo-o mo-o nale

Tibhonsa mo-o, le titsi mo-o, siganga
sonkhe mo-o mo-o

Mkhulu Madevu

ungumfuyi


Hhiya hhiya hho





Asivume ingoma

Chubeka uhlabele lengoma. Esikhundleni semigca
lengenkomo sebentisa letilwane.



Epulazini unetinja.



Epulazini unemadada.



Epulazini unemahhashi.



Phuma

- Hamba ngemsebe ngaphandle kwekuwa.
- Jika ibhola emoyeni uyibambe ngaphandle kwekuwa.
- Ubese ugadvula njengelihhashi.
- Bhadzatela njengelidada.
- Hamba njengerobhothi.



Tilwane tasendle

Ithemu 2 – Liviki 5 – Lishadi lekusebentela




Asifundze




Emabhubezi ayincenyemndeni wemakati. Libhubezi libonakala njengenkhosi yembuso wakalwane. Ayatingela abulale tilwane letifana netimpunzi nemadvuba. Lawo lamasikati ngiwo lattingela kakhulu. Atingela ebusuku nangemabutfo. Emabhubezi anconota kuhlala ematsafeni lavulekile. Emabhubezi angabhadla bekuhlokomē tiganga.

Tindlovu titilwane letimunyisako letinkhulukati kuletiphila emhlabatsini. Tisengotini malanga onkhe ngoba bacwiyi batitingela njalo ngekufuna tiphondvo-tsambo tato. Tindlovu tikhula imphilo yato yonkhe. Tindlovu tisebentisa imiboko yato kusiphula timphandze, titselo nemanti kungene emlonyeni wato. Tidla kufike ku 200 kg ekudla ngelilanga tibuye tinatse 190 emalitha emanti.





Kunetinhlobo letimbili tabobhejane – bhejane lomnyama nabhejane lomhlophe. Bobhejane kababoni kahle, kodvwa banelikhala lelikhona kuhosha nalokukhashane kabi. Bobhejane bakhulu kakhulu bangaba nesisindvo lesingema 2 500 kg. Bobhejane bavamise kutingelwa bacwiyi nebattingeli labafuna timphondvo tabo. Sidzinga kuvikela bobhejane kubatingeli labababulalako kutfola timphondvo tabo.



Ingwe lese icocodzele ingakhula ifike ku 2 m budze. Sikhumbaboya sayo sibubendze kancane nje nemabala lamnyama latindilinga. Ingwe iyakhona kucanca kahle nje futsi kayinankinga kutingela etihlahleni.



Inyatsi iphila emhlanjini. Uma kunengoti, tinkhomati takhona nematfole kuyabutsana kume emkhatsini kutungeletwe tinkunzi kute tivikeleke. Letinye tinyatsi tingakhula tite tifike ku 1,7 m budze.




26 Tibhaca kanjani tilwane

Ithemu 2 – Liviki 5 – Lishadi lekusebentela



Asifundze



Letinye tilwane titivikela ngekugucula indlela



letibukeka ngayo kute tifanane nendzawo



letikuyo. Lunwabu lungatigucula umbala kute



lufane netihlahla loluticancako. Imidvwa



yelidvube yenta kube luhkuni kutsi libonakale



lidvuba evungwini. Loku sitsi siphambamehlo.


Ase ucabange ngaletinye nje tilwane



Asitijabulise



Thishela wkaho
utakukhombisa kutsi niyidlala
njani ingoma situlo.





Asente loku

Dvweba silwane sasendle.

Chubeka ucocele umngani wakho kutsi lesilwane sitifihla njani kuphamba emehlo.




27

Tilwane temanti

Ithemu 2 – Liviki b – Lishadi lekusebentela

Asente loku

Cedzela letitfombe ngekwengeta imidvwebo nobe
titfombe tetilwane letihlala emfuleni.






Tidalwa tasemajukujukwini




Asikhulume

Ase sibuke tonkhe tinhlobo letehlukene tetilwane letihlala emantini laneluswayi.



Kubuye kube khona tilwanyana letincane, letihlala eticojeni temadvwala letingashoni.



Teacher:
Sign:
Date:

Buciko betilwane



Asikhulume

Cocani ngato tonkhe tilwane
telwandle letikuletitfombe.

- Ngutiphi kuletilwane telwandle lettingadliwa bantfu?
- Ngutiphi tilwane telwandle letiyingoti?
- Ngabe umtimba wenhlanti wembonywe wabuye wavikelwa yini?
- Ngutiphi tindlela letehlukene lettingangcolisa lwandle.
- Wena ucabanga kutsi kungentekani uma lwandle
lungangcoliseka lube nemfucuta kumbe tibi letinashev?



Asibhale

Bhala emagama etilwane longaticabanga letihlala emfuleni, emadanyini
kumbe elwandle kulelibaya letintsatfu telithebula.


Umfula	Lwandle	Lidamu



Asente loku


Yenta lakakho lithange letinhlanti.

- Penda lingekhatsi lelibhokisi lesicatfulo libe lingangane-saluhlata bese ulilalisa ngemhlubulo.
- Chubeka usike inhlanti ngemuva encwadzini.
- Namatselisa inhlanti etulu nelibhokisi usebentisa ithephu lenamatselako nelucu.



Phuma


- Ndiza njengenyoni ngesivinini lesisetulu nalesiphasi.
- Bhadzatela njengephenhwini.
- Ndiza njengenyosi.
- Hamba njengenkhalala.
- Ntjwiza njengenhlanti.
- Zuba njengesicoco.
- Dlalani landzela-umholi.
- Dlalani likati-neligundvwane.



Tilwane letefwala emakhaya ato nomaphi



Asifundze



Lufudvu

Bewati nje? Ngingena ngenele kahle egobongweni lami, aluke nje lungimpintje.

Lufudvu silwane sakabonyoka lesinemilente lemine lemahhedlehdedle nentsamo nenhloko leshwaphene. Luhamba kancane neligobongo lalo lendlu emhlane.

Tihlalaphi letilwane?

Ngihlala elwandle.	Ngihlala emantini lacwengekile emateteni.	Lufudvu: Ngihlala emhabeni.



Asibhale

Phendvula lembuto ngelufudvu loluphila emhabeni.

Ngabe ligobongo lelufudvu lilukhuni nobe litsambile? _____

Ngabe ligobongo lelufudvu liluvikela kuphi? _____

Lwentani lufudvu nalwetfukile? _____

Lufudvu kodywa ludla kudla kuni? _____

Lusuku:

Umnenkhe

Buka ligobongo
lemnenkhe.

Liso

Ligobongo

Luphondvo-miva loludze

Luphondvo-miva lolufisha

Lunyawo

Sikhala sekuphefumula

Uhamba njani umnenkhe?

Sewake walitfola ligobongo lemenenkhe lelite lutfo?

Ucabanga kutsi washonaphi umnenkhe?


Unjani umbala wemagobongo emnenkhe?

Ucabanga kutsi kungani iminenkhe inemagobongo?



Asibhale

Ucabanga kutsi njihlalaphi? Edvute nesitfombe sami, bhala kutsi likhaya lami ngingalakha **esihlahleni**, yini nobe **emhlabenii** kumbe **emantini**.



Tilwane letitakhela tindlu




Asente loku

Condzanisa letifombe taletilwane kanye nemakhaya ato.



Asifundze

Tinyosi




Tinyosi tihlala emhhomeni wetinyosi.

Takha imihhome yato ngalokusamtfofu.

Tigcina kudla kwato emihhomeni yato.

Tintfutfwane

Tintfutfwane takha imipheme leyehlukene endzaweni yato. Intfutfwane lencane ingetfwala umtfwalo lomkhulu lowesindza ngalokuphindvwe kane kunayo. Tintfutfwane tiyakhona kuchumana ngenkhulomo. Tiyeckwayisana nakunengoti, futsi titjelane kutsi kudla kungakuphi.



Asibhale

Ucabanga kutsi kungani tintfutfwane titakhela imipheme?

Ngubani sitsa lesikhulu sentfutfwane?

Tiyakha ngani imipheme yato tintfutfwane?



Asifundze

Tinyoni


Tinyoni takha tidleke tibe yimipheme khona titokuba nendzawo lephephile yekubeka emacandza ato. Bukhulu besidleke buya ngebukhulu benyon. Tisebentisani tinyoni kwakha tidleke tato?


Ngusiphi silwane lesitsa senyon?







Sichazamgamama sami

A	a	M	m
B	b	N	n
C	c	O	o
D	d	P	p
E	e	Q	q
F	f	R	r
G	g	S	s
H	h	T	t
I	i	U	u
J	j	V	v
K	k	W	w
L	l	X-Z	x-z







P.29



P.30



P.36-37



P.57

